

Broj: UP1-06-13-1-105-15/20
Mostar, 24.11.2021. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17, 39/20 i 82/21), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (1), člana 5., člana 8. i člana 9a. stav (2) Pravilnika o metodologiji i načinu obračuna regulatornih naknada za imaoce dozvola - Pročišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad broj UP1-06-13-1-105-1/20 od 13.10.2020. godine podnosioca zahtjeva PETROL POWER d.o.o. Sarajevo, u postupku izmjene i dopune Dozvole za rad za proizvodnju električne energije broj 06-03-1393/17/10 i Zahtjevu za obnovu dozvole za rad za proizvodnju električne energije broj UP1-06-13-1-146-1/20 od 21.12.2020. godine, podnosioca zahtjeva PETROL POWER d.o.o. Sarajevo, ul. Tešanjaska broj 24a, Sarajevo, Sarajevo-Centar, zastupanog po zakonskom zastupniku Alešu Weissu, Regulatorna komisija za energiju u Federaciji Bosne i Hercegovine – FERK je 24.11.2021. godine na XXIII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva PETROL POWER d.o.o. Sarajevo.
2. Utvrđuje se PETROL POWER d.o.o. Sarajevo status kvalifikovanog proizvođača u objektima hidroelektrana „Botun“, hidroelektrana „Jezernica“, hidroelektrana „Majdan“ i hidroelektrana „Mujakovići“, u periodu važenju dozvole iz tačke 3. ovog rješenja.
3. Dozvola za rad izdaje se na period od 24.11.2021. godine do 23.11.2031. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2021. godinu u iznosu od 1.365,73 KM.
6. Imalac dozvole je obavezan plaćati regulatornu naknadu za naredne godine važenju dozvole na način i u iznosu koji utvrdi FERK posebnom odlukom.
7. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 13.10.2020. godine FERK je od podnosioca PETROL POWER d.o.o. Sarajevo, pod brojem UP1-06-13-1-105-1/20 primio Zahtjev za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-1393/17/10, zbog promjene naziva društva. Navedeni zahtjev je podnesen u skladu sa članom 40. stav (1) tačka a) Pravilnika za izdavanje dozvola, kojim je propisano da se izmjene i dopune dozvole, po zahtjevu imaooca dozvole, mogu izvršiti u vezi sa zakonskim okvirima, sudskim odlukama, ugovorima ili nekim drugim događajima, koji suštinski utiču na obavljanje djelatnosti. Članom 43. stav (1) Pravilnika za izdavanje dozvola propisano je da se postupak obnove, izmjene i dopune, oduzimanja i prenosa dozvole, osim prenosa dozvole za rad iz člana 41. stav (1) tačka a) tog pravilnika, vodi na isti način kao i postupak izdavanja dozvole. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad UP1-06-13-1-105-2/20 od 11.11.2020. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 23.11.2020. godine pod brojem UP1-06-13-1-105-3/20 i dopis primljen u FERK 21.12.2020. godine pod brojem UP1-06-13-1-105-4/20, uz koje je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 18.05.2021. godine dostavio Zahtjev za informacijama broj UP1-06-13-1-105-5/20, povodom kojeg je isti dostavio dopise primljene u FERK 27.05.2021. godine pod brojem UP1-06-13-1-105-6/20 i brojem UP1-06-13-1-105-7/20, uz koje je dostavio dio tražene dokumentacije i obrazloženja. Iz navedenih razloga, FERK je podnosiocu zahtjeva 16.06.2021. godine dostavio Zahtjev za informacijama broj UP1-06-13-1-105-8/20, povodom kojeg je isti dostavio dopis primljen u FERK 25.08.2021. godine pod brojem UP1-06-13-1-105-9/20, dopis primljen u FERK 15.10.2021. godine pod brojem UP1-06-13-1-105-10/20 i dopis primljen u FERK 05.11.2021. godine pod brojem UP1-06-13-1-105-11/20, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Dana 21.12.2020. godine FERK je od podnosioca PETROL POWER d.o.o. Sarajevo primio Zahtjev za obnovu dozvole za rad za proizvodnju električne energije pod brojem UP1-06-13-1-146-1/20. Navedeni zahtjev je podnesen u skladu sa članom 39. Pravilnika za izdavanje dozvola, kojim je, pored ostalog, propisano da imalac dozvole ima pravo po isteku perioda važenju dozvole za rad obnoviti dozvolu za rad u postupku i pod uslovima, koji su propisani tim pravilnikom, te ukoliko imalac dozvole namjerava u kontinuitetu obavljati djelatnost za koju posjeduje dozvolu za rad, dužan je podnijeti zahtjev za obnovu dozvole za rad najkasnije 120 dana prije isteka periodu važenju dozvole za rad. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za obnovu dozvole za rad za proizvodnju električne energije UP1-06-13-1-146-2/20 od 19.01.2021. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 01.02.2021. godine pod brojem UP1-06-13-1-146-3/20 i dopis primljen u FERK 19.04.2021. godine pod brojem UP1-06-13-1-146-4/20,

uz koje je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 18.05.2021. godine dostavio Zahtjev za informacijama broj UP1-06-13-1-146-5/20, povodom kojeg je isti dostavio dopise primljene u FERK 27.05.2021. godine pod brojem UP1-06-13-1-146-6/20 i brojem UP1-06-13-1-146-7/20, uz koje je dostavio dio tražene dokumentacije i obrazloženja. Iz navedenih razloga, FERK je podnosiocu zahtjeva 16.06.2021. godine dostavio Zahtjev za informacijama broj UP1-06-13-1-146-8/20, povodom kojeg je isti dostavio dopis primljen u FERK 25.08.2021. godine pod brojem UP1-06-13-1-146-9/20, dopis primljen u FERK 13.10.2021. godine pod brojem UP1-06-13-1-146-10/20, dopis primljen u FERK 15.10.2021. godine pod brojem UP1-06-13-1-146-11/20, dopis primljen u FERK 03.11.2021. godine pod brojem UP1-06-13-1-146-12/20 i dopis primljen u FERK 05.11.2021. godine pod brojem UP1-06-13-1-146-13/20, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Obzirom da je FERK prilikom pregleda gore navedenih zahtjeva i dokumentacije dostavljene uz iste utvrdio da su ovi zahtjevi zasnovani na istom činjeničnom stanju, kao i na istoj pravnoj osnovi, te da je FERK stvarno nadležan u pogledu navedenih zahtjeva, FERK je 11.11.2021. godine donio Zaključak broj UP1-06-13-1-105-12/20, kojim se spajaju predmeti u navedenim postupcima, zbog čega će se o spojenim zahtjevima dalje voditi jedinstveni postupak.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po Zahtjevu za izmjenu i dopunu dozvole za rad broj UP1-06-13-1-105-1/20 od 13.10.2020. godine i Zahtjevu za obnovu dozvole za rad za proizvodnju električne energije broj UP1-06-13-1-146-1/20 od 21.12.2020. godine podnosioca PETROL POWER d.o.o. Sarajevo. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-105-13/20 od 11.11.2021. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 12.11.2021. godine do 22.11.2021. godine do 9:00, kao i da su lica, koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješaća na adresu FERK-a ili na elektronsku adresu, u periodu od 12.11.2021. godine do 22.11.2021. godine do 9:00 sati. Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 22.11.2021. godine do 9:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola – Pročišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaooca dozvole. Članom 9a. stav (2) Pravilnika o metodologiji i načinu obračuna regulatornih naknada za imaoce dozvola – Pročišćeni tekst propisano je da se imaocima dozvola za obavljanje elektroprivrednih djelatnosti i Operatoru za OIEiEK, koji obnove svoju dozvolu u tekućoj godini, ali kojima između perioda važenja

prethodne dozvole i perioda važenja nove/obnovljene dozvole nastupi period u kojem isti nisu imali izdatu dozvolu, iznos regulatorne naknade za tekuću godinu preračunava pojedinačnim rješenjem u skladu sa periodom važenja njihovih dozvola. Na osnovu navedenog Odlukom o privremenoj regulatornoj naknadi za imaoce dozvola za obavljanje elektroprivrednih djelatnosti i imaoce dozvole za rad Operatora za OIEiEK za 2021. godinu broj 08-11-1390-1/20 od 11.12.2020. godine „INTRADE ENERGIJA“ d.o.o. Sarajevo, koji je promijenio naziv društva u PETROL POWER d.o.o. Sarajevo, kao postojećem imaoocu dozvole za rad za proizvodnju električne energije utvrđen je iznos privremene regulatorne naknade za 2021. godinu u iznosu od 3.995,76 KM. Kako je imalac dozvole obnovio svoju dozvolu u tekućoj godini, ali kojem je između perioda važenja prethodne dozvole (25.02.2011. – 20.03.2021.) i perioda važenja nove/obnovljene dozvole (24.11.2021. – 23.11.2031.) nastupio period u kojem isti nije imao izdatu dozvolu, regulatorna naknada za 2021. godinu preračunata je u skladu sa članom 5., članom 8. i članom 9a. stav (2) ovog pravilnika, tako da ukupan iznos regulatorne naknade koju je imalac dozvole obavezan platiti za 2021. godinu sada iznosi 1.365,73 KM. Obzirom da je PETROL POWER d.o.o. Sarajevo, postupajući u skladu sa FERK-ovim obavještenjem o obavezi plaćanja privremene regulatorne naknade, izvršio uplatu iznosa od 1.997,88 KM za prvi dio privremene regulatorne naknade za 2021. godinu, FERK će razliku u iznosu od 632,15 KM uplatiti na transakcijski račun PETROL POWER d.o.o. Sarajevo, o čemu će se imaoocu dozvole ispostaviti posebno obavještenje.

Na osnovu obrade Zahtjeva za izmjenu i dopunu dozvole za rad i Zahtjeva za obnovu dozvole za rad za proizvodnju električne energije podnosioca PETROL POWER d.o.o. Sarajevo i dokumentacije priložene uz zahtjeve, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljani su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu PETROL POWER d.o.o. Sarajevo da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.